

SABÈNT E FELIBRE

Souveni de l'antoumoulougisto de Serignan en espousicioun au Palais d'ou Roure...



Prouvènço d'aro

Tóuti li mes, lou journau de la Prouvènço d'aro

Juliet-avoust de 2015

n° 312

2,10 €

Estivada de Roudés

Roudés, cap-liò de l'Aveiron, en aculissènt l'Estivada despièi vint an, es devengudo au fiéu dis an la capitalo d'un país sènso frontiero, sènso armado, ni Estat e defini soulamen pèr sa lengo e sa cultura : Òucitanio.

8 regioun de França soun rassemblado, emé de partenariat en Itàli e en Catalogno, d'amista que van bèn en delai, de centeno d'artisto e de deseno d'espetacle programa... Un vertadié sucès pouplàri.

Recouneigu coume lou festenau òucitan de referènci pèr sa pluridisciplinarita e sa singularita de festenau interregionau di cultura òucitano, l'Estivada tènò d'esclapa li representacioun



"foulclouristo" trop souvènt estacado i lengo e cultura dicho regionalo.

Luen di clichat, i'a aquí uno vesion mouderno e universalisto de nosto identita, que se resigno pas au silènci e cerco à ço que la lengo d'oc retrobe la plaço que dèu èstre la siéuno : lengo de la vido e noun dóu soulet souveni.

Touto la prougramacioun de l'Estivada es dounc articulado autour de la lengo òucitano, la lengo minoritari de la mita sud de la França, ansin que de quàuqui regioun de país limitrofe d'Espagno e d'Itàli.

Luen d'impansa que que siegue, se prepauso is esperit dubert de novèlli leituro di lengo, di cultura, de la soucieta, pèr que chascun posque en pleno counsciènci se recounèisse, se retrouba, descurbi, partèja...

Aquéli 20 an soun l'escasènci de dire que revendican pèr nosto lengo un estatut que i'atouriso uno plaço nourmalo au quoutidian...

E la nourmalita passo pèr l'afroundamen di muraio de certitudo qu'an toujour envirouta li cultura minorisado : esteroutipe, acourchit, reducioun...

À l'Estivada lou seitarisme es pas de miso. Ié tourbarés pèr vous acoumpagna dins la descuberto de la lengo e de la cultura d'oc: artisto, benvole, estand assouciatiéu, fourmatour, Guide de Subre-vivènço, doucumentacioun...

L'Estivada de Roudés se debanara dóu dimècre 22 au dissate 25 de juliet.

De legi lou prougramo en darniero pajo.

Anniversàri de Jan-Enri Fabre



Jan-Enri Fabre (1823-1915), savant e felibre. Espousicioun.

Uno evouacioun de la vido dóu grand entoumoulougisto dins si raport emé Avignoun, Frederi Mistral, li Felibre e la lengo prouvençalo.

Jan-Enri Fabre es subre-tout famous pèr soun inmènso couneissènço dis insèite, aquisto emé la paciènci de l'òusservaire, trasmesso emé passioun e pedagougi e apreciado dins lou mounde entié.

Pamens, lou persounage se pòu pas resumi au saberu: amiratour de la Naturo, se fai

pouèto, counscientamen o noun. Amourous de soun environamen, poudié que se ié mescla, e subre-tout emé soun environamen culturau. Es pèr acò qu'adotè lou prouvençau, lengo de soun endrè e lengo forço pouètico.

Lou Palais d'ou Roure, aut liò de cultura prouvençalo, a dounc vougu pourta un esclargimen tout particulié sus la pouèsio prouvençalo de Fabre, uno pouèsio touto en simplicita. Fabre restè en Avignoun quasi-men vinto annado, coume estudiant, piè coume ensigneire, e beilejant lou *Muséum d'His-*

toire naturelle (aro *Muséum Requier*). Ansin, l'espousicioun se pauso tambèn sus aquest episode especificque de la vido de l'entoumoulougisto en ilustrant liò, rescontre e amista en Avignoun.

À travès quatre tèmo : biougrafio, Fabre e Avignoun, Fabre pouèto prouvençau, ómage, lou Palais du Roure a souveta apourta sa countribucioun au Centenàri de la despartido d'aqueste grand sabènt en evoucant sis especificita loucalo. L'espousicioun se coumpauso de 14 veirino, divers acrouchage, uno carto de l'Avignoun

"fabrien" e de manuscrit óuriginou encaro jamai espausa.

Centenàri de la mort de Jan-Enri Fabre - Palais du Roure - Salle Marcel Bosqui - 3 rue Collège du Roure - 84000 Avignon - Espousicioun duberto dóu 23 de jun au 20 de setèmbre 2015, dóu dimars au dissate, de 10 ouro à 13 ouro e de 2 ouro à 6 ouro. Intrado à gratis. Duberturo en mai, pèr li groupe sus reservacioun : 21 de setèmbre au 21 de novèmbre 2015. palais.roure@mairie-avignon.com - 04.90.80.80.88.

Santo Estello de La Roco-Brou

Lou comte-rendu menimous d'aquelo acampado di felibre en Auvergno...

Pajo 6

Lou prougramo de l'Estivado

Tóuti lis espetacle, counferènci, espousicioun que se van debana à Roudés...

Pajo 12

Manifestacioun pèr la lengo d'oc

Lou 24 d'òutobre tóuti lis aparaire de la lengo saren à Mount-Pelié...

Pajo 2